



Avisu pùblicu pro sa nòmina de su Cunsitzu de Amministratzione de s'Istituzione Santu Micheli (San Michele) Organismu Istrumentale de su Comune pro sa ghia de sos Servìtzios Culturales e Turìsticos de su Comune de Otieri.

DATA DE PUBLICATZIONE ON LINE: 07/02/2023 DATA DE ISCADÈNTZIA: 17/02/2023

Su Sìndigu de su Comune de Otieri faghet ischire chi at aprontadu, dende indicatzione pùblica, una norma pro pònner a cunfrontu sa currìcula pro sa nòmina de n°5 sòtzios de su Consizu de Amministratzione de s'Istituzione Santu Micheli (San Michele).

S'incàrrigu de sos sòtzios de su CDA benit dadu pro detzìdere sos progetos e avalorare sos obietivos de s'Istituzione Santu Micheli, cunsideradu s'acordu de leare parte a finantziamentos pùblicos e privados; detzìdere sos custos pro leare parte a sos servìtzios a dimanda individuale, chi siat ocasionale o istraordinària ma semper de pagu contu econòmicu in sos casos chi non sunt regulados dae sa disciplina generale de sas tarifas detzisas dae su Consizu Comunale.

Su Consizu de Amministratzione in prus, deliberat finas unu Progetu de Programma Annuale de sas atividades, su Bilàntziu annuale e de prus annos, su contu consuntivu; at finas cumpetèntzia pro fàghere propostas, de pònner a s'aprovatzione de sa Giunta Comunale, pro detzìdere sas tarifas pro atzèdere a sos servìtzios pùblicos locales a dimanda individuale, dados a sa pròpia ghia dae su Consizu Comunale, in su respetu de sos critèrios cundivisos dae su matessi Consizu Comunale.

A sos chi faghent parte de su C.D.A. non lis ispetat perunu cumpensu francu unu indennizu pro sas ispesas, documentadas e pretzisas, fatas pro atividades collegadas a su pròpiu incàrrigu e acunsentidas dae su Presidente.

Sa dimanda pro leare parte a s'Avisu, iscrita in pabilu e indirizzata a su Sìndigu de Otieri, devet èssere imbiada intro a su 17/02/2023, a sas oras 11:00.

Sa dimanda e sos documentos chi bi cherent pro leare parte a custa norma a indicatzione pùblica devet èssere mandados solamente pro mèdiu de imbiu a sa mail chi sighit: e-mail PEC:

protocollo@pec.comune.otieri.ss.it

In sa mail PEC de imbiu si bi devet iscrìere su chi sighit: "Avisu pro sa nòmina de n°5 sòtzios de su Consizu de Amministratzione de s'Istituzione Santu Micheli".

No est acunsentida sa cunsigna a manu o s'imbiu in posta ordinària.

Sas detzisiones pro su reconnoschimentu a s'avisu e sas maneras de che agabare su matessi, sunt reguladas dae su Bandu chi si podet bìdere in basciu in custa pàgina, in sa setzione: Documentos Allegados.

Otieri, 07/02/2023

SU SÌNDIGU
Avv. Marco Peralta



Tradutzones a cura de s'Isportellu de Limba Sarda de Otieri Progetu "Inoghe Puru" Annualidade 2022 Finanziadu dae sa RAS cun sa L482/99 e cun sa L.R.22/2018